

臨川縣志卷十二

土產志

臨川無異產大率南中所有然五穀蔬果材木藥石生人所必需不可以不載易曰天施地生其益无方生之時用大矣魚鼈兔鹿之類古之人取之有時用之有數所以全天地之生也若芙走飛草木欣欣各得其所者邵子之觀物而得其性情形體也薛文清公謂舉目見天地萬物之理皆活潑潑地何止鳶飛魚躍然則觀物產可以見道矣

臨川縣志

卷十二

土產

一

稻之屬有大粘有細粘名目不一大約俱春社日前後浸種立夏前後蒔秧至秋而熟有一種最早熟者名五十五日粘田家種以續食粘之外有晚稻穀大於粘田宜隰至冬乃熟秋熟秈也冬熟粳也其一歲再收者先樹秈在立夏前。後樹粳。在立秋前。所謂再熟之稻也。縣多有之。稻之黏者曰秈俗謂之糯有早糯有晚糯有柳條糯名目亦不一並堪釀酒製醢麩間用之  
麥之屬有大麥詩謂之來有小麥詩謂之牟二麥秋下種冬出土春始秀至夏而熟凡歷四時故麥爲五穀之貴

然地氣下濕不逮北方亦不爲恒食又有蕎麥味甘滑性寒別爲一種

粟之屬有黃白二種有金釵粟狗尾粟性鹹淡養脾胃補丹田陳者尤良

菽之屬有黃豆有春豆有黑豆有花豆有豌豆有赤豆有綠豆諸豆惟黃豆刈禾後種諸田間春豆多取山地種之扁豆有二種一名羊眼一名羊角

蔬之屬有薑有芋有藷有芥多莧多菘有菹有蔥有蒜有藟多韭有白菜有萵苣有芫荽有川芎有薤菜有茼蒿

臨川縣志

卷十二

土產

二

有蓴蓬有菠薐菘與芥作鹽齏脆美蒸暴可久留詩所謂我有旨畜亦以御冬也有苦蕒有萊菔一名蘿蔔出墖頭者大而味甘脆有赤白二種薑之種宜隰覆以棚夏至後貨者謂之母薑霜降後貨者謂之子薑芋名土芝俗謂之蹲鴟其大名芋魁藷有掌藷有紫藷亦名山藥韭禮謂之豐本有水晶蔥有香蔥菹之葉如蔥蒜各分瓣有獨頭者藟一名菌俗謂菰有五色山氣蒸而生下有瓣鮮美可食無瓣者食之殺人中毒攪地漿飲之可解城西濠藕九孔城內金鳳藕湖尤勝

瓜之屬有數種有茄一名落蘇有瓠有匏最早熟者曰黃瓜似黃瓜而色白曰白瓜皮青而長尺餘觶然而角曰梢瓜青如梢瓜而子黑多瓢曰絲瓜謂之紡線亦以其瓢類線云瓢厚而子有紅黑曰西瓜比西瓜長大曰東瓜小而瓜實在地曰土瓜西瓜出丁家洲者勝。

果之屬有梅有梨早熟曰青小梨晚熟曰黃土梨有栗有柿有桃有李有棗有橘有火橘有蜜橘有金橘多柑有橙有柚多菱有芡有蓮實有甘蔗有枇杷有梧桐子有銀杏有楊梅有櫻桃有石榴有葡萄有山查有鳧茨有臨川縣志

之瀆比城西爲多。木之屬多松有柏其類有刺柏有卷柏羅漢柏有杉。縣南山中有高數丈者。其皮可以代瓦。多樟。大者輪廣如山。喬木中之最。漢郡名豫章以此。多楓有桐有桑有柘有槐有檀有柞多柳多烏柏北鄉尤多有櫛有椿有檉有檉有櫟有榆有榛有櫻櫚有黃楊冬青一名蠟樹又名萬年枝唐宋來禁中多植之詩曰月華承露掌風動萬

年枝

竹之屬有貓頭有箭榦有篔簹有慈竹有紫竹有斑竹有白竹有黃竹有實竹有桃竹有淡竹有金竹有苦竹有筍竹有觀音竹

花之屬曰玉茗曰碧蓮曰辛夷曰躑躅曰山礬曰木樨曰薔薇曰茉莉曰瑞香曰合歡曰丹桂曰醪醪曰芍藥曰並頭蓮曰葵曰菊曰芙蓉曰鷄冠曰梔子曰海棠曰金鳳曰水仙曰紫荊曰玉簪曰剪春羅曰夾竹桃曰夜落金錢曰牡丹宋時郡東院產白山茶一株號玉茗郡守

崔仁冀有賦。黃山谷庭堅謝竹友邁曾南豐鞏和之。後宋太守家坤翁相繼有作。謂古樹竒花。天下止此一株。在揚州瓊花之上。而今亡矣。碧蓮亦宋時產於臨川縣尉廳者最勝。畫工曰爲撫蓮。或云長安鄉花姑山產此。有碧蓮池。今亦無。辛夷躑躅俱載荆公詩集中。山礬高可數尺。春時開小白花。香氣清甚。王荆公以其白。名之曰瑒花。黃山谷以其葉可染。名之曰山礬。後人駁之曰。易瑒山礬總未佳。要須博物似張華。因觀異代前賢帖。知是唐昌玉蘂花。今觀王建題唐昌觀玉蘂詩云。一樹

瓏璫玉刻成。飄廊點地色輕輕。女冠夜覓香來處。唯見階前碎月明。乃知唐昌唯一株。故詩人極其形容。今山山有之。誰爲賞音。按此則唐昌別爲一種。謂山礬卽玉藥者非也。木樨一名桂花丹黃二種。然丹者少合歡朝開暮合。又名合昏。崔豹古今注云。欲忘人之憂。則贈以丹棘丹棘一名忘憂。欲蠲人之忿。則贈以青裳。青裳一名合歡。古人贈別。又用芍藥。以芍藥一名將離。與此正同。瑞香有金邊粉口茉莉。有單胎雙胎。單胎者名素馨。其香可入茗山茶。含胎一年始開。又有寶珠茶梔子花。

臨川縣志

卷十二

土產

五

重瓣名玉樓春芙蓉。又名拒霜。蓮有並頭千葉九子並頭者。勝竹葉而桃花名夾竹。桃月桂每月一開。玉簪鷄冠各以其象爲名。

草之屬有茆有菰。多莎有萍。有芝有蘭。多蓼多萱。多蕨。多蒿。有艾。有萑。稗有馬鞭。有鴨舌。有紫草。多燭心草。茆可縮酒。書謂之菁。茆詩謂之白茅。菰出湖陂。中人呼爲茭。草春生筍。謂之菰菜。秋結實。謂之雕胡米。萍水草。爾雅謂之苹。其大曰蘋。小曰藻。芝蘭間有之。萱一名鹿蔥。花名宜男。又名忘憂。草蕨之根可粉。凶年人採以食。艾可

灸蒿亦艾之類。萸稗生五穀中。謂之莠。馬鞭鴨舌生水。中燈心草。出縣南營山。樓撫取利甚多。樓撫產尤勝。用以焚膏。膏省而光耀。

藥之屬有黃精有菖蒲有何首烏多益母草多莎根一曰香附子俗稱僂工草有天南星有半夏有麥門冬多黃梔子有粉葛有菊花有茱萸有生地黃有商陸有桑白皮有骨碎補多紫蘇有薄荷有橘皮有枳殼多淡竹葉有土烏藥多車前子有蒼耳多穀精草有土茯苓多香薷有草烏有大薊有小薊有五倍子有威靈仙有五加

臨川縣志

卷十二

土產

六

皮有紫梢花有土常山有扁豆有澤蘭有草麻有百合有枸杞有瓜蒌有紅花有金銀花有澤瀉博物志云太陽之草名曰黃精餌之可以長生菖蒲一名昌陽生石上九節者佳與黃精皆爲仙藥何首烏一名夜交藤益母草方書謂之充蔚子商陸易謂之莧陸車前子詩謂之芣苢骨碎補附木生俗謂之猢猻薑桑根白皮出土者殺人枸杞根爲地骨皮與甘菊花皆益人澤瀉苗可菹味香脆產樓撫爲多。入藥曰撫澤瀉。

畜之屬曰牛曰馬曰騾曰驢曰豕曰犬曰雞曰貓曰鵝曰

鳴

禽之屬有鵲有鷹有隼有雉有鸛有鶉有鴿多鴉多鳩多雀有倉庚有鵲鴿有睢鳩有鴛鴦有鷓鴣有杜鵑多鷺鷥有畫眉有百舌有布穀有翡翠有鷓鴣有鸚鵡有鸚鵡有啄木多練雀有竹鷄有姑惡有錦鷄有白鷓鴣鳴則人喜故名喜鵲鷹鷲鳥古人田獵用之隼尤剽疾俗謂之鷓雉雄者具五色其曰野鷄沿漢吕后諱也鸛之大類鶴而少丹頂鶉與鴿皆可畜鶉善鬪至以比鬪鷄鴉有寒鴉慈鴉烏鴉鳩知陰晴天將陰則逐其婦晴則

臨川縣志

卷十二

土產

七

呼之故人以鳩聲卜雨雀小而多與燕皆棲人屋梁倉庚一名鶯又謂之黃鸝又謂之黃栗留相與和鳴鵲鴿行搖飛鳴有急難之義睢鳩摯而有別故詩以倉庚喻友鵲鴿喻兄弟睢鳩喻夫婦鷓鴣之聲鉤輅格磔俗謂之山鷓杜鵑卽杜宇又名子規本蜀鳥鷺鷥純白頂上有絲毳毳然畫眉小鳥兒童所珍籠而置之百舌卽反舌月令五月反舌無聲布穀田間催耕之鳥翡翠鷓鴣鸚鵡皆善取魚而鷓鴣可馴今漁家往往畜之鸚鵡俗謂之八哥啄木長喙取蠹能畫符以出木楔猶鶴禹步

禁蛇禽鳥之智有人不及者練雀羣飛竹鷄呼泥滑滑  
與姑惡皆聒人鴉惡鳥一名鶻鷗賈誼謂之鵬夜入人  
家鳴則不祥

獸之屬有虎有豹多麝有鹿有兔有鹿多狐多獺有竹鼯  
有牛尾狸虎猛獸凡夜行以一目眎一目放光獵人候  
而射之其光應弦墮地得之者如白石有骨如乙在兩  
脇旁帶之令人有威豹如虎而趨捷過之有元豹赤豹  
金錢豹豹性廉有所程度以食故字從勺麝有牙而不  
能噬猶鹿有角而不能觸麕亦麝之額鹿最大爲麋好

臨川縣志

卷十二

土產

八

鬪其皮多鬪痕兔生子口吐而生妊婦忌食之鹿有茸  
有血有峻餌之可以補羸狐穴處死則邱首其久者善  
爲魅以媚人故曰狐媚獺水居食魚王制獺祭魚然後  
漁人入澤梁竹鼯藏入根中嚙竹萌而食杜詩所謂筍  
根稚子無人見者與牛尾狸其味皆腴

鱗之屬曰鯉曰鱮曰鯉曰鮓曰鰱曰烏魚曰鯽曰鮎曰鱖  
曰鱔曰鰕鯉於魚族中最貴無論大小皆三十六鱗鱗  
各有小黑點能於雨中飛躍變化故陶朱公養鯉必用  
鼈以鎮之謂之神守其赤色者人謂之金鯉鱮鯉鮓入



池沼中所養歲取之九江魚苗川港希有之鰕多斑點  
烏魚純黑色鯽腹大體短諸魚皆屬火唯鯽屬土故丹  
溪朱彥修謂其屬陽明而有調胃實腸之功鮎大首口  
方背青黑無鱗多涎詩謂之鰕圖經謂之鯽鮎似鮎而  
小生濁水洿泥中鱖似鮎而稍大俗謂之黃鱖鰕則纖  
纖細矣本草云鰕無鬚不可食

介之屬曰龜曰鼈曰螺曰蟻曰鮫鯉龜背甲如畫卦文能  
服氣導引有老人用龜楮床老人死而龜活如故滿千  
年則遊於蓮葉之上故龜爲四靈之一鼈如龜而背無

臨川縣志

卷十二

土產

九

畫文俗謂之團魚又謂之水鷄又曰腳魚其三足者爲  
能不可食螺生沼中爲青螺生田中爲田螺蟻一名蚌  
然無孕珠者鮫鯉日中登岸開鱗甲如死狀蟻聞其羶  
羣趨之蟻滿便閉其鱗甲而下水蟻皆浮出因啜而食  
之俗謂之穿山甲入藥用

蟲之屬有蠶有蛾有蝸有蟬多蝙蝠多蚓有蛇有蜈蚣有  
蜥蜴多蝨有螺贏多蠅有蟾蜍有蝌蚪有螢有蜚螂有  
斯螽莎鷄蟋蟀多蝶多蟬有伊威有蠨蛸多蜘蛛有斑  
貓有水蛭有尺蠖有蠨蠨有百足蟲蠶之功衣被天下

而郡中養蠶者少蛾則蛹之所化夜飛善撲燈火謂之燈蛾蝸有二角觸之卽縮蟬卽壁魚生衣服及書籍中又謂之蠹蝙蝠其糞名夜明砂蚓居土中善吟江東謂之歌女蛇與蜈蚣皆能傷人而蜈蚣顧能殺蛇蜈蚣者卽且也逐蛇蛇則張口蜈蚣入則吮其髓故莊子曰卽且甘帶蜥蜴蝮蛇守宮一物而三名東方朔曰以爲龍又無角以爲蛇又無足跂跂胠胠善緣壁若非守宮卽蜥蜴蜂善螫其毒在尾惟蜜蜂能釀蜜人以木櫃棲之果羸名蒲盧又名蠚螭蜂之細腰者善入筠管中負桑

蟲祝之封以泥七日而化爲己子蠋一名蝦蟆立夏後鳴聲不絕其身有疥磊腹大行遲者謂之蟾蜍其初生爲蝌蚪蛻螂能轉丸螢夜出有光詩謂之熠耀斯螽俗呼蚱蜢能以股相切作聲莎鷄蟋蟀皆斯螽所變蜻蜒六足四翅與蟬皆吸風飲露無求於世。仕者之冠翼象之。有勸廉之義蝶翅有粉觸之則落蚘蠅蠓蛸空室有之蜘蛛結網如罾觸其網而後取有誅不義之象故曰蜘蛛斑貓生豆花叢中水蛭俗謂之馬蜚楚王吞之而宿疾皆愈尺蠖屈以求伸蠨蠸一名醯鷄百足蟲所謂

至死不僵者其蟲大於尺蠖

貨之屬有土紬有苧布有棉布有葛布有江清紙有火紙有牛舌紙有石炭紬則閭民市綿抽絲以織六縣間有之苧布緝苧麻爲之火紙以新竹稻草漚而爲之出百一都頗饒

宋慶歷五年郡守王周於城西戰坪得金山子獻於朝遂置場於其地穿井千數無所得尋廢

宋乾道間郡城東一百二十里東山產鐵置東山鐵場其爐凡四曰羅首坪曰小塋曰赤岸曰金峯每歲額共趁

臨川縣志

卷十二

土產

十一

辦鍋鐵二十四萬二千零四十六斤解往饒州安仁縣轉發信州鉛山縣後俱無額廢

宋乾道間城西銅山產銅後無額廢

胡二齋曰余嘗巡行郊野流覽土風而知臨汝雖號名區實瘠壤也土實之堪貢者無幾卽竹木絲麻羽毛皮草之用不逮崇宜遠甚所足走四方者僅桂林之筆焦石之針皆微末不足道惟說禮敦詩樂於耕桑以自足尙有勤儉之風焉

臨川縣志